

Adroddiad Cynnydd Asesiad Digonolrwydd Gofal Plant Ebrill 2025

Enw'r Awdurdod Lleol: Cyngor Sir Fynwy

Enw'r Swyddog Cyfrifol: Sue Hall, Rheolwr Blynnyddoedd Cynnar

Dyddiad cwblhau: 12^{fed} Mai 2025

CYNNWYS

Diweddariad Cyffredinol	2
Cynnydd yn erbyn Targedau	4
Cyflenwad Gofal Plant	10
Y Galw am Ofal Plant	12
Crynodeb	13
Cynllun Gweithredu Diwygiedig	15
Manylion Cyswllt	18

DIWEDDARIAD CYFFREDINOL

Yn Sir Fynwy, rydym yn ffafrio dull economi gymysg o ran cyflawni ein dyletswyddau statudol ynghylch Gofal Plant Dechrau'n Deg ac Addysg Gynnar, felly rydym yn cynnig darpariaeth a gynhelir a darpariaeth nas cynhelir ac yn caniatáu i rieni ddewis y lleoliad sy'n diwallu eu hanghenion orau. Erbyn diwedd y flwyddyn ariannol 2024-25, roedd 4 lleoliad a gynhelir, 31 lleoliad nas cynhelir a 10 gwarchodwr plant wedi'u cofrestru i gynnig lleoedd gofal plant Dechrau'n Deg. Mae mwy na hanner ein darparwyr sesiynol a gofal dydd (25 lleoliad) wedi'u cymeradwyo i gynnig Addysg Gynnar, ac rydym yn rhagweld y bydd hyn yn cynyddu i oddeutu 65% (3 neu 4 lleoliad ychwanegol) o fis Medi 2025 ar ôl caffael. Cafodd pedwar darparwr Addysg Gynnar nas cynhelir eu harolygu ar y cyd gan Estyn ac AGC yn ystod y flwyddyn ariannol hon ac roedd dau ohonynt wedi'u graddio'n ardderchog ar gyfer pob un o'r chwe maes. Derbyniodd y ddau leoliad arall hefyd sgoriau ardderchog ar gyfer un neu fwy o feysydd ac yn dda ar gyfer pob maes arall.

Mae'r defnydd o Addysg Gynnar, Cynnig Gofal Plant a Gofal Plant Dechrau'n Deg yn uchel yn Sir Fynwy ac mae'n dal i gynyddu, mae hyn wedi arwain at gynnydd yn y galw am leoedd gofal plant a'r angen i ddatblygu darpariaeth gofal plant ychwanegol mewn rhai ardaloedd yn Sir Fynwy.

Mae lleoliadau gofal plant wedi bod yn fwyfwy lleisiol ynghylch cyfraddau cyllido ar gyfer Dechrau'n Deg, Addysg Gynnar a Gofal Plant a sut mae hyn yn effeithio ar eu gallu i fod yn ariannol hyfyw. Mae sawl un ohonynt wedi mynegi pryderon na fyddant yn gynaliadwy'r flwyddyn nesaf unwaith y bydd y cynnydd i'r isafswm cyflog cenedlaethol a chyfraniadau Yswiriant Gwladol yn dod i rym; serch hynny, dim ond pedwar grant cynaliadwyedd yr ydym wedi dyfarnu eleni.

Mae'r gweithlu yn rhwystr arall i ddatblygu darpariaeth gofal plant, gan fod prinder staff â chymwysterau priodol. Mae hyn wedi bod yn un o'n blaenoriaethau yn 2024-25, felly rydym wedi cynhyrchu llyfryn Gyrfaoedd mewn Gofal Plant a deunydd hyrwyddo, ac wedi mynychu digwyddiadau a ffeiriau gyrfaoedd i hyrwyddo gofal plant. Rydym hefyd wedi bod yn gweithio gyda'n pedair ysgol uwchradd i gyflwyno'r cwrs Gofal, Dysgu a Datblygiad Plant Lefel 2 fel rhan o'u cwricwlwm ôl-16, ac mae gennym garfan o 8 myfyriwr sydd wedi mynegi diddordeb mewn cwblhau hyn o fis Medi 2025.

Yn ystod y flwyddyn ariannol hon, rydym wedi darparu neu hwyluso 67 o gyfleoedd hyfforddiant i ymarferwyr gofal plant ar draws 25 o wahanol gyrsiau. Mae'r rhain yn amrywio o gyrsiau statudol fel Cymorth Cyntaf Pediatrig, Diogelu a Thrin â Llaw, i gyrsiau arfer gorau gan gynnwys Modiwlau ADY, Cyfathrebu Cynnar, Prosesu Iaith Cyfanwaith, Ymlyniad, Dulliau Cadarnhaol o Ymddygiad, Addysgu Tîm, Asesu Risg, Fröbel a'r Cwricwlwm i Gymru.

Mae Sir Fynwy wedi bod yn gweithio'n agos gyda'r Autism Education Trust i ddatblygu a darparu hyfforddiant a chefnogaeth Awtistiaeth ar gyfer pob ysgol a lleoliad. Yn ystod y flwyddyn ariannol 2024-25, cyflwynwyd hyfforddiant Gwneud Synnwyr o Awtistiaeth i 372 o ymarferwyr blynyddoedd cynnar, ac mae 38 allan o 44 lleoliad wedi cael mynediad i'r hyfforddiant lleoliad cyfan hwn.

Dyfarnwyd grantiau cyfalaf bach gwerth cyfanswm o £374,414 i 55 o ddarparwyr gofal plant yn 2024-25 i'w galluogi i gynnal a chadw eu hadeiladau a gwneud gwelliannau i'w hamgylchedd dysgu. Fe wnaethom hefyd gwblhau ein lleoliad gofal plant pwrpasol cyntaf a ariennir gan raglen gyfalaf Gofal Plant a'r Blynyddoedd Cynnar

CYNNYDD A WNAED YN ERBYN TARGEDAU

Mae'r tabl isod yn manylu ar y cynnydd a wnaed yn 2024-25 yn erbyn Cynllun Gweithredu Asesiad Digonolrwydd Gofal Plant a ddiwygiwyd ym mis Ebrill 2024.

Targed	Pam ei fod yn Ofynnol?	Sut bydd yn cael ei Gyflawni?	Sut bydd yn cael ei Fonitro?	Cynnydd 2024-25	Amserlen
Datblygu 3 lleoliad gofal dydd llawn neu ofal sesiynol neu ymestyn y ddarpariaeth bresennol i gynnig mwy o leoedd i blant dwy oed.	Mae lleoedd i blant dan 5 oed yn dynn mewn rhai ardaloedd o Sir Fynwy ac, er bod sesiynau gwag, nid yw bob amser yn bosibl cynnig lle llawn amser. Mae cyflwyno gofal plant am ddim i bob plentyn 2 oed yn debygol o waethygu'r sefyllfa hon.	Monitro cymryd lleoedd mewn gofal dydd llawn a gofal sesiynol trwy ddefnyddio Dechrau'n Deg, Addysg Gynnar a Chynnig Gofal Plant, yn ogystal â chyfathrebu rheolaidd â darparwyr. Cynnig cyngor a chefnogaeth ynghyd â chymhellion ariannol i ddatblygu darpariaeth newydd neu gynyddu lleoedd.	Bydd nifer y lleoliadau yn cael eu monitro trwy adroddiadau misol AGC a bydd y defnydd o leoedd yn cael ei fonitro bob amser. Bydd grantiau datblygu yn cael eu monitro trwy adroddiadau chwarterol y GDC.	Caeodd un o'n meithrinfeydd presennol ar ddechrau'r flwyddyn academaidd hon ond mae meithrinfa ddydd newydd yng Nghil-y-coed sydd wedi'i chofrestru gydag AGC. Mae un o'n darparwyr gofal sesiynol presennol wedi newid eu cofrestriad AGC i ofal dydd llawn, i'w galluogi i ymestyn eu horiau agor ac mae clwb ar ôl ysgol presennol wedi ymestyn eu cofrestriad AGC i gynnwys gofal plant ar gyfer meithrinfa'r ysgol. Rydym wedi parhau i weithio gyda darparwyr gofal plant presennol fel eu bod yn gallu cynnig lleoedd gofal plant Dechrau'n Deg. Ar hyn o bryd mae 4 lleoliad a gynhelir, 31 lleoliad nas cynhelir a 10 gwarchodwr plant wedi cofrestru i gynnig lleoedd gofal plant Dechrau'n Deg.	Medi 2025

Datblygu clwb ar ôl ysgol yn ardaloedd Cil-y-coed a'r Fenni neu gynyddu nifer y lleoedd ar ôl ysgol a gynigir mewn lleoliadau presennol.	Yr adborth a dderbyniwyd gan rieni yw bod prinder lleoedd ar ôl ysgol mewn rhai rhannau o Gil-y-coed a'r Fenni, yn enwedig y rhai sy'n gweithredu tan o leiaf 5.30pm i ddiwallu anghenion rhieni sy'n gweithio.	Bydd y Swyddog Datblygu Gofal Plant yn gweithio'n agos gyda Chlybiau Plant Cymru i ddatblygu darpariaeth ychwanegol ar ôl ysgol. Bydd grantiau datblygu yn cael eu cynnig fel cymhelliant.	Bydd nifer y lleoliadau yn cael eu monitro trwy adroddiadau misol AGC a bydd y defnydd o leoedd yn cael ei fonitro bob amser. Bydd grantiau datblygu yn cael eu monitro trwy adroddiadau chwarterol y GDC.	Caeodd un o'n clybiau y tu allan i'r ysgol yn y Fenni yn nhymor yr haf, ond cafodd hwn ei ddisodli ar ddechrau tymor yr hydref. Nid yw'r darparwr newydd yn cynnig darpariaeth cyn ysgol; fodd bynnag, mae'r ysgol wedi sefydlu clwb brecwast am ddim gyda gofal plant cyn ysgol. Rydym hefyd wedi cael dau glwb gwyliau sydd newydd eu cofrestru yn y Fenni. Mae un o'r ysgolion cynradd yng Nghil-y-coed mewn sgysiaau â darparwr gofal plant y tu allan i'r ysgol ac mae'n bwriadu datblygu darpariaeth ar ôl ysgol ar y safle o fis Medi 2025 ymlaen.	Medi 2025
Annog a chefnogi clybiau y tu allan i'r ysgol ac unrhyw leoliadau gofal plant newydd sy'n cael eu datblygu i gofrestru gydag AGC.	Nid yw rhieni a gofalmwyr yn gallu cael gafael ar gyllid i gefnogi gyda chost gofal plant os nad yw lleoliadau wedi'u cofrestru gydag AGC. Mewn lleoliadau sydd heb eu cofrestru, mae'n anodd sicrhau bod gofal plant o safon ddigonol.	Y Swyddog Datblygu Gofal Plant i gefnogi clybiau presennol a lleoliadau newydd i'w mynd drwy broses gofrestru'r AGC. Hyfforddiant i'w ariannu os mai dyma'r rhwystr sy'n atal lleoliadau rhag cofrestru.	Nifer y lleoliadau cofrestredig i'w monitro drwy adroddiadau misol AGC. Niferoedd yn derbyn hyfforddiant i'w fonitro trwy adroddiadau cynnydd chwarterol y GDC. Cymwysterau staff i gael eu monitro bob blwyddyn.	Ni fu unrhyw gynnydd o ran annog clybiau y tu allan i'r ysgol i gofrestru gydag AGC. Y prif rwystr yw dod o hyd i staff â chymwysterau priodol, gan fod nifer o'n clybiau ar ôl ysgol yn cael eu rhedeg gan Gynorthwywyr Addysgu, nad oes ganddynt gymhwyster gofal plant na chwarae. Mae'r clwb newydd ôl ysgol yn y Fenni wedi cofrestru gydag AGC.	Mawrth 2027

Cofrestru 10 gwarchodwr plant newydd ledled Sir Fynwy a chefnogi darparwyr presennol i gynnal y lefel bresennol o leiaf.	Mae trosiant uchel o warchodwyr plant bob amser oherwydd natur dros dro'r swydd, ond roedd hyn hyd yn oed yn fwy o broblem yn ystod y pandemig ac mae cyfanswm nifer y gwarchodwyr plant wedi gostwng yn sylweddol. Gwarchodwyr plant sydd yn y sefyllfa orau i ddarparu gofal plant yn ystod oriau annodweddiadol.	Gweithio mewn partneriaeth â PACEY Cymru i ddarparu sesiynau briffio gwarchodwyr plant a chefnogaeth barhaus drwy'r broses gofrestru ac ar ymgyrch i recriwtio mwy o warchodwyr plant. Parhau i gynnig cymorth ariannol ar gyfer hyfforddiant cyn-gofrestru a grantiau cychwyn.	Bydd nifer y gwarchodwyr plant sydd newydd gofrestru a gwarchodwyr plant sydd wedi'u dadgofrestru yn cael eu monitro trwy adroddiadau misol AGC. Monitro hyfforddiant cyn cofrestru trwy logiau cymorth PACEY misol a'r nifer uchaf erioed o grantiau cychwynnol gwarchodwyr plant a ddyfernir bob tymor.	Rydym wedi recriwtio tri gwarchodwr plant newydd yn ystod y flwyddyn ariannol hon; fodd bynnag, mae dau warchodwr plant wedi cau eu cofrestriad ac mae pum gwarchodwr plant arall wedi atal eu cofrestriad. Felly, mae cyfanswm nifer y gwarchodwyr plant wedi gostwng o 32 i 28. Mae un o'n gwarchodwyr plant sydd newydd gofrestru yn cynnig darpariaeth Gymraeg.	Mawrth 2027
Sefydlu cylch meithrin yn Nhrefynwy a Chas-gwent fel bod darpariaeth gofal plant cyfrwng Cymraeg ym mhob un o'r pedwar clwstwr.	Ar hyn o bryd nid oes darpariaeth cyn ysgol cyfrwng Cymraeg yng nghlystyrau Trefynwy neu Gas-gwent. Mae diffyg darpariaeth cyfrwng Cymraeg a phellter o'r ddarpariaeth bresennol wedi cael ei godi gan rieni fel rheswm dros beidio â chael mynediad at ofal plant cyfrwng Cymraeg.	Bydd Blynnyddoedd Cynnar Sir Fynwy yn gweithio'n agos gyda Mudiad Meithrin i ddatblygu darpariaeth cyn ysgol cyfrwng Cymraeg ychwanegol. Cynnig cymhellion ariannol fel grantiau datblygu a chynaliadwyedd i dalu costau cychwyn a chyfran o'r costau rhedeg.	Mae nifer y lleoedd gofal plant cyfrwng Cymraeg wedi'i gynnwys yng Nghynllun Strategol Addysg Cymru (CSCA) ac mae hyn yn cael ei adolygu bob tymor.	Nid oes digon o le ar safle Ysgol Trefynwy i sefydlu cylch meithrin, felly rydym wedi ymestyn y cynnig o leoedd meithrin llawn amser yn yr ysgol am flwyddyn arall. Nid oes digon o alw na lleoliad addas yng Nghas-gwent i ddatblygu cylch meithrin. Rydym wedi mynychu Sioe Brynbuga a dau ddiwrnod hwyliog i hyrwyddo addysg cyfrwng Cymraeg a gofal plant. Rydym hefyd yn hyrwyddo grwpiau a gweithgareddau	Medi 2026

				Cymraeg yn rheolaidd drwy'r cyfryngau cymdeithasol.	
Ymestyn nifer y lleoedd, oriau agor neu wasanaethau a gynigir gan ein lleoliadau gofal plant cyfrwng Cymraeg presennol.	Nid oes digon o ddarpariaeth gofal plant cyfrwng Cymraeg, yn enwedig gofal dydd llawn a gofal plant yn ystod gwyliau'r ysgol, i ddiwallu anghenion rhieni sy'n gweithio.	Bydd Blynyddoedd Cynnar Sir Fynwy yn gweithio'n agos gyda'r Mudiad Meithrin a'r darparwyr presennol i ymestyn y ddarpariaeth gofal plant cyfrwng Cymraeg. Bydd grantiau datblygu yn cael eu cynnig fel cymhelliant i gefnogi lleoliadau i ymestyn eu darpariaeth.	Mae nifer y lleoedd gofal plant cyfrwng Cymraeg wedi'i gynnwys yng Nghynllun Strategol Addysg Cymru (CSCA), ac mae hyn yn cael ei adolygu bob tymor.	Agorodd egin-ysgol cyfrwng Cymraeg yn Nhrefynwy ym mis Medi 2024 sy'n cynnig lleoedd meithrin llawn amser. Mae hyn wedi rhoi cyfle i rieni sy'n gweithio sy'n byw yn Nhrefynwy a'r cyffiniau gael mynediad at addysg cyfrwng Cymraeg. Bydd Cylch Meithrin Y Fenni yn symud i safle Deri View o fis Medi 2025, a bydd hyn yn rhoi cyfle iddynt ehangu eu hystod oedran i gynnwys plant o dan ddwy oed.	Mawrth 2027
Darparu hyfforddiant a gweithgareddau Cymraeg i alluogi o leiaf 10 darparwr i newid o'r Saesneg yn unig i'r Saesneg gyda rhai elfennau dwyieithog.	Mae yna nifer o ddarparwyr sy'n disgrifio eu hunain fel Saesneg yn unig ac nad ydynt yn cynnig unrhyw elfennau dwyieithog. Mae'n ofynnol i ni hyrwyddo siarad Cymraeg yn weithredol.	Nodi cwrs Cymraeg addas, talu cost yr hyfforddiant a hyrwyddo gyda darparwyr gofal plant. Cynhyrchu banc o weithgareddau Cymraeg ar gyfer pob oedran i'w rhannu â darparwyr.	Bydd rhestrau presenoldeb yn cael eu cadw a bydd dilynol yn cael ei gynnal i asesu'r effaith y mae hyn wedi'i chael ar leoliadau. Bydd data blynyddol Arolwg Ysgolion a Staffio yn cael ei ddefnyddio i fonitro, os yw ar gael i'r Awdurdod Lleol.	Dydyn ni ddim wedi cynnal hyfforddiant Cymraeg y flwyddyn ariannol hon gan fod y galw yn isel. Fodd bynnag, rydym wedi cyfeirio darparwyr gofal plant at yr hyfforddiant Cymraeg a gynigir gan bartneriaid Cwlwm. Mae un o'n gwarchodwyr plant sydd newydd gofrestru yn cynnig darpariaeth Gymraeg.	Mawrth 2027
Mynychu o leiaf 6 digwyddiad i hyrwyddo cyfleoedd hyfforddi gofal plant a	Mae diffyg ymarferwyr gofal plant cymwys ac mae hyn yn cyfyngu ar ddatblygiad lleoedd gofal plant ychwanegol,	Cynhyrchu Llyfryn Gyrfaedd mewn Gofal Plant a rhannu hyn yn eang trwy'r wefan, y cyfryngau cymdeithasol	Bydd nifer y digwyddiadau a fynychwyd, negeseuon cyfryngau cymdeithasol ac unrhyw fathau eraill	Ers mis Ebrill 2024, rydym wedi mynychu dau gyfarfod gyda chynghorwyr canolfannau gwaith yn Sir Fynwy i'w diweddarau ar lwybrau i yrfa mewn gofal plant a	Parhaus

gyrfaoedd mewn gofal plant.	yn ogystal â bygwth hyfywedd y ddarpariaeth gofal plant presennol. Mae angen i ni wneud yr hyn y gallwn i annog mwy o bobl i dderbyn hyfforddiant er mwyn cynyddu'r gweithlu gofal plant.	a chyfarfodydd wyneb yn wyneb. Mynychu Ffeiriau Gyrfaoedd a digwyddiadau tebyg i hyrwyddo gyrfaoedd mewn gofal plant. Gweithio gyda'r pedair ysgol uwchradd i sefydlu'r cymhwyster Gofal Plant Lefel 2 fel rhan o'u cwricwlwm ôl-16.	o hyrwyddo'n cael eu cofnodi. Bydd ymholiadau ynghylch hyfforddiant gofal plant neu gyfleoedd gwaith gofal plant yn cael eu cofnodi.	hyfforddiant/cymorth sydd ar gael. Rydym hefyd wedi mynychu tair ffair yrfa a drefnwyd gan y canolfannau gwaith, diwrnodau agored mewn tair o'n hysgolion uwchradd a Sioe Brynbuga i hyrwyddo gyrfaoedd mewn gofal plant a hyfforddiant gofal plant. Rydym wedi hwyluso diwrnod blasu i fyfyrwyr Blwyddyn 11 yn Ysgol 3-19 Brenin Harri'r VIII a oedd wedi mynegi diddordeb mewn gofal plant ac, o ganlyniad, mae mwy nag 8 o fyfyrwyr wedi nodi eu bwriad i gwblhau'r cymhwyster Gofal Plant Lefel 2 o fis Medi 2025. Rydym hefyd wedi creu llyfryn Gyrfaoedd mewn Gofal Plant a deunyddiau hyrwyddo.	
Parhau i hyrwyddo'r Gwasanaeth Gwybodaeth i Deuluoedd a hysbysebu argaeledd cymorth ariannol i gynorthwyo gyda chost gofal plant (gan gynnwys Dechrau'n Deg, Cynnig Gofal Plant,	Yn ôl yr arolwg rhieni a'r ymgynghoriad â rhanddeiliaid, fforddiadwyedd yw'r prif rwystr i gael mynediad at ofal plant yn Sir Fynwy. Mae yna lawer o gynlluniau ar gael i gefnogi gyda chost gofal plant.	Bydd y Gwasanaeth Gwybodaeth i Deuluoedd yn parhau i hyrwyddo gofal plant newydd a phresennol ac argaeledd cymorth ariannol ar gyfer gofal plant trwy ein hadran ar wefan Cyngor Sir Fynwy ac ar draws ein sianeli cyfryngau cymdeithasol.	Mae'r Swyddog Gwybodaeth i Deuluoedd yn cynhyrchu adroddiadau misol sy'n cynnwys manylion gweithgareddau hyrwyddo. Mae defnyddwyr gwefan GGiD yn cwblhau ffurflenni gwerthuso.	Yn ystod y cyfnod hwn, mae'r GGiD wedi defnyddio e-bost a chyfryngau cymdeithasol i hysbysebu'r canlynol: • Cynnig Gofal Plant, addysg gynnar a chymorth ariannol • Swyddi gwag gofal plant a gyrfaoedd mewn gofal plant • Gwobrau ar gyfer ymarferwyr a lleoliadau gofal plant • Mannau gofal plant ar gael a diwrnodau agored	Parhaus

Addysg Gynnar a Gofal Plant Di-dreth).		Bydd Llyfryn Cymorth Ariannol Gofal Plant yn cael ei rannu'n eang.	Mae Dechrau'n Deg, Addysg Gynnar a Chynnig Gofal Plant yn cael eu monitro bob tymor.	• Derbyniadau meithrin ac ysgolion • Grwpiau a digwyddiadau cyfrwng Cymraeg • Gweithgareddau gwyliau a sesiynau chwarae actif • Grwpiau babanod a thwdlod • Cymorth cynenedigol BIPAB gan gynnwys dosbarth loga Beichiogrwydd • Cymorth Cyfoedion Bwydo ar y Fron • Arolwg Ymweld Iechyd • Gweithdai rhianta • Siaradwch â Mi	
--	--	--	--	---	--

CYFLENWAD GOFAL PLANT

Mae'r tabl isod yn dangos y cyflenwad o ddarpariaeth gofal plant yn Sir Fynwy ddiwedd mis Mawrth 2025 o'i gymharu â'r flwyddyn flaenorol. Mae hyn yn cynnwys darpariaeth gofrestredig a heb ei chofrestru, gan fod rhai clybiau y tu allan i'r ysgol yn rhedeg am lai na dwy awr ac nad ydynt wedi'u cofrestru gydag Arolygiaeth Gofal Cymru.

Math o Ofal Plant	Gwarchodwyr Plant	Gofal Diwrnod Llawn	Gofal Sesiynol	Gofal y Tu Allan i'r Ysgol	Chwarae Mynediad Agored	Meithrinfeydd	Nanis	Cyfanswm
Mawrth 2024	32	36	8	21	0	0	5	102
Mawrth 2025	28	37	7	22	0	0	6	100
Gwahaniaeth	-4	+1	-1	+1	0	0	+1	-2

Mae cyfanswm nifer y darparwyr gofal plant (ac eithrio nanis) wedi gostwng i 94 ac mae hyn bron yn gyfan gwbl oherwydd y gostyngiad yn nifer y gwarchodwyr plant cofrestredig. Er gwaethaf ein hymdrechion gorau, dim ond tri gwarchodwr plant newydd yr ydym wedi recriwtio eleni ac rydym wedi gweld saith gwarchodwr plant presennol yn cau neu'n atal eu cofrestriad gydag AGC. Mae cyfanswm nifer y gwarchodwyr plant cofrestredig yn Sir Fynwy wedi gostwng mwy na 36% ers i'r Asesiad Digonolrwydd Gofal Plant llawn diwethaf gael ei gynnal ym mis Mawrth 2022.

Caeodd un o'n lleoliadau gofal dydd yn Nhrefynwy ar ddiwedd tymor yr haf 2024 ond ymestynnodd clwb ar ôl ysgol yn Nhrefynwy eu horiau agor i ddarparu gofal plant i blant sy'n mynychu meithrinfa'r ysgol. Agorodd un o'n darparwyr presennol yng Nghil-y-coed drydydd lleoliad eleni ac mae un o'n darparwyr gofal sesiynol wedi newid i ofal dydd llawn ac mae bellach yn cynnig sesiynau hirach. Felly, er nad oes unrhyw newid i'r nifer gyfunol o ddarparwyr gofal dydd llawn a gofal sesiynol, mae mwy o leodd gofal plant ar gael ac mae cyfle i gael mynediad at oriau hirach mewn rhai ardaloedd nag o'r blaen.

Rydym wedi colli clwb y tu allan i'r ysgol eleni a oedd yn cynnig gofal plant cyn ac ar ôl ysgol, ond mae clwb ar ôl ysgol wedi'i ddatblygu i'w ddisodli, ac mae'r ysgol bellach yn cynnig clwb brecwast gydag elfen gofal plant. Rydym hefyd wedi gweld dau glwb gwyliau sydd newydd

gofrestru. Mae rhywfaint o ddarpariaeth chwarae mynediad agored ond mae'n ad hoc neu'n rhedeg o dan ddwy awr y dydd, felly nid oes angen cofrestru gydag AGC.

Mae'r cyflenwad o ddarpariaeth gofal plant cyfrwng Cymraeg yn isel gan mai dim ond dau leoliad cylch meithrin sydd gennym, un clwb ar ôl ysgol ac un gwarchodwr plant sy'n cynnig darpariaeth gofal plant Gymraeg; mae hefyd tri Meithrin a gynhelir gan ALI mewn ysgolion cyfrwng Cymraeg sy'n cynnig Addysg Gynnar.

Y GALW AM OFAL PLANT

Mae'r galw am ofal plant yn cael ei asesu yn seiliedig ar gyfuniad o ymholiadau i'r Gwasanaeth Gwybodaeth i Deuluoedd, cyfradd dderbyn lleoedd ac adborth gan ddarparwyr gofal plant. Mae'r mwyafrif o ymholiadau i'r Gwasanaeth Gwybodaeth i Deuluoedd wedi bod am wybodaeth a chynghor cyffredinol neu yn ymwneud â chyllid sydd ar gael i dalu cost gofal plant. Ers ehangu gofal plant Dechrau'n Deg, bu mewnlifiad o ymholiadau gan rieni sydd eisiau gwybod a ydyn nhw'n gymwys, pryd y bydd yn cael ei gyflwyno yn eu hardal a sut y gallant gael mynediad at y cyllid hwn. Mae'n brin i ni dderbyn ymholiad gan riant neu ofalwr sy'n cael trafferth dod o hyd i unrhyw ofal plant addas yn eu hardal.

Er gwaethaf y ffaith bod y gyfradd geni'n gostwng yn Sir Fynwy, mae cyfradd dderbyn lleoedd Addysg Gynnar yn cynyddu ychydig bob blwyddyn ac mae tua 96% o blant cymwys yn cael mynediad at Addysg Gynnar yn nhymor yr hydref 2024. Ers cyflwyno'r Cynnig Gofal Plant, bu gostyngiad yn nifer y plant sy'n cael mynediad i'w Addysg Gynnar mewn meithrinfa ysgol ac ar gyfer pob tymor o 2024-25, mae tua 60% o blant wedi cyrchu eu Haddysg Gynnar gyda darparwr nas cynhelir yn hytrach na meithrinfa ysgol a gynhelir gan ALL. Cafwyd cynnydd sylweddol hefyd yn y defnydd o'r Cynnig Gofal Plant yn 2024-25.

Mae Dechrau'n Deg wedi ehangu ymhellach yn ystod 2024-25 ac erbyn hyn mae gennym 4 lleoliad a gynhelir, 31 lleoliad nas cynhelir a 10 gwarchodwr plant sydd wedi'u cofrestru gyda Dechrau'n Deg i gynig lleoedd gofal plant a ariennir. Mae un o'n lleoliadau gofal plant Dechrau'n Deg a gynhelir wedi symud i safle Ysgol 3-19 Brenin Harri'r VIII newydd yn y Fenni; Mae hyn wedi eu galluogi i ymestyn hyd eu sesiynau i gyd-fynd â'r diwrnod ysgol ac maent wedi cynyddu eu hystod oedran, fel eu bod yn gallu cynnig gofal plant i blant sy'n mynychu meithrinfa'r ysgol. Dylai hyn helpu i ateb y galw, yn ogystal â gwella pontio o ofal plant Dechrau'n Deg i feithrinfa ysgol.

Fe wnaethom agor egin-ysgol cyfrwng Cymraeg yn Nhrefynwy ym mis Medi 2024 sy'n cynnwys Meithrin. Ar hyn o bryd nid oes lle ar y safle i ddatblygu cylch meithrin, felly mae plant sy'n mynychu meithrin yr ysgol yn gallu cael mynediad at ddiwrnodau llawn yn hytrach na gofal sesiynol. Bu cynnydd yn y galw am ddarpariaeth addysg gynnar a gofal plant cyfrwng Cymraeg, yn nhymor y gwanwyn 2025 roedd 82 o blant yn cael mynediad at addysg gynnar cyfrwng Cymraeg mewn meithrinfeydd ysgol, sy'n gynydd o fwy na 20% o'i gymharu â'r flwyddyn flaenorol. Er gwaethaf y cynnydd, mae'r nifer hwn yn parhau i fod yn gymharol isel o'i gymharu ag awdurdodau lleol cyfagos.

Mae nifer y plant sy'n cael mynediad at addysg gynnar a gofal plant, sydd wedi'u nodi fel ag anghenion dysgu ychwanegol (ADY) neu anghenion sy'n dod i'r amlwg, wedi cynyddu dros y pum mlynedd diwethaf. Nid oes gennym ddarpariaeth arbenigol yn Sir Fynwy ar gyfer plant Blynnyddoedd Cynnar, yn hytrach rydym wedi canolbwyntio ar arfogi pob lleoliad i ddiwallu anghenion plant unigol yn eu lleoliad. Mae gennym becyn hyfforddi ADY helaeth a thîm o dri Chynghorydd ADY sy'n hwyluso cyfarfodydd sy'n canolbwyntio ar yr unigolyn ar gyfer plant unigol, a darparwyr cymorth i weithredu ymyriadau priodol.

CRYNODEB

Mae gennym ystod eang o wahanol fathau o ofal plant ledled Sir Fynwy; fodd bynnag, er gwaethaf y ffaith ein bod yn recriwtio nifer fach o warchodwyr plant bob blwyddyn ac yn datblygu darpariaeth ychwanegol, rydym hefyd yn colli'r ddarpariaeth bresennol ac mae cyfanswm nifer y darparwyr gofal plant ar duedd i lawr.

Arweiniodd cyflwyno'r Cynnig Gofal Plant at gynnydd yn y galw am leoedd gofal plant cofleidiol, a dewis am ddarpariaeth nas cynhelir yn hytrach na meithrinfa a gynhelir, lle mae'r oriau wedi'u gosod a llai o hyblygrwydd i rieni / gofawyr sy'n gweithio. Mae ehangu gofal plant Dechrau'n Deg wedi cynyddu'r galw am leoedd gofal plant blyneddoddd cynnar ymhellach. Er bod digon o leoedd ar hyn o bryd yn y rhan fwyaf o ardaloedd Sir Fynwy, rydym yn gweld achosion lle nad yw plant yn gallu cael mynediad at eu hawl lawn ar gyfer Addysg Gynnar os ydynt yn dewis lleoliad nas cynhelir. Mewn ymateb i hyn, rydym yn gobeithio cynyddu nifer y darparwyr gofal plant Addysg Gynnar a Dechrau'n Deg cymeradwy yn ein rownd gaffael nesaf.

Mae gan bob ysgol gynradd yn Sir Fynwy fynediad at ofal cyn ysgol ar y safle ac mae pob un ohonynt yn cael eu rhedeg gan staff yr ysgol, cyn dechrau'r clwb brecwast am ddim. Mae gan bron i ddwy ran o dair o'r holl ysgolion cynradd glwb ar ôl ysgol ar y safle neu drefniadau gyda darparwr yn yr ardal i gasglu o'u hysgol. Mae darpariaeth ar ôl ysgol gyfyngedig yn ardal Cil-y-coed ond rydym wedi bod yn gweithio'n agos gydag un ysgol i ddatblygu darpariaeth ar ôl ysgol ar y safle ac mae'n edrych yn debygol y bydd hyn yn dechrau ym mis Medi 2025. Mae pedwar clwb ar ôl ysgol o hyd nad ydynt wedi'u cofrestru gydag AGC a dim ond am lai na dwy awr y gallant redeg. Mae hyn yn broblem i rai teuluoedd sy'n gweithio gan nad yw hyn bob amser yn ddigon hir ac nid ydynt yn gallu defnyddio talebau gofal plant na gofal plant di-dreth ar ddarpariaeth sydd heb ei chofrestru. Rydym wedi gweld cynnydd yn nifer y clybiau gwyliau sydd wedi'u cofrestru gydag AGC i ddarparu gofal plant i blant oedran ysgol gynradd. Serch hynny, mae'r galw am ofal plant cofrestredig yn ystod gwyliau ysgol yn tueddu i fod yn isel, gan fod teuluoedd yn dewis Gemau Sir Fynwy neu Raglen Gwella Gwyliau'r Haf a darpariaeth chwarae mynediad agored, gan fod hyn yn llawer rhatach neu hyd yn oed yn rhad ac am ddim.

Rydym wedi bod yn gweithio'n agos gyda PACEY Cymru i hyrwyddo gwarchod plant fel gyrfa ac i gynnig cymorth i warchodwyr plant tra byddant yn mynd trwy hyfforddiant a'r broses gofrestru. O ganlyniad, rydym wedi gweld tri unigolyn yn cwblhau eu hyfforddiant ac yn cofrestru gyda AGC eleni. Yn anffodus, mae yna broblem o hyd gyda chadw gwarchodwyr plant presennol ac mae nifer y gwarchodwyr plant cofrestredig yn Sir Fynwy wedi gostwng gan 4 i 28 ac mae'n is nag y mae wedi bod ers mwy nag 20 mlynedd. Mae hwn yn faes sy'n peri pryder, yn enwedig gan mai nhw yw'r unig ddarparwyr gofal plant sy'n gallu cynnig gofal plant hyblyg yn realistig er mwyn diwallu anghenion gweithwyr shifft neu'r rhai sy'n gweithio oriau annodweddiadol.

Nid ydym wedi gallu gwneud llawer o gynnydd mewn perthynas â chynyddu'r cyflenwad o ofal plant cyfrwng Cymraeg cofrestredig yn Sir Fynwy, er bod gennym bellach warchodwr plant cofrestredig sy'n cynnig darpariaeth cyfrwng Cymraeg, ac mae'r defnydd o addysg gynnar cyfrwng Cymraeg a gofal plant mewn lleoliadau presennol wedi cynyddu. Mae ffordd bell i fynd o hyd i gyrraedd y targed yn ein Cynllun Strategol Addysg Cymru (CSCA) o gael cylch meithrin ym mhob un o bum prif ardal Sir Fynwy, gan mai dim ond dau gylch meithrin sydd gennym ar hyn o bryd. Nid ydym yn gallu agor cylch meithrin ar safle'r egin-ysgol egin cyfrwng Cymraeg yn Nhrefynwy gan nad oedd y gwaith adeiladu arfaethedig wedi mynd yn ei flaen. Rydym yn gweithio'n agos gyda'r Mudiad Meithrin a Fforwm Addysg Gymraeg i nodi ffordd ymlaen, gan fod angen cylch Meithrin i fwydo'r ysgol ac i ddarparu gofal plant ar gyfer meithrinfa'r ysgol. Rydym hefyd yn gweithio gydag Is-grŵp Hyrwyddo CSCA i godi proffil addysg cyfrwng Cymraeg a hyrwyddo manteision bod yn ddwyieithog.

Mae'r diffyg staff gofal plant cymwys yn parhau i fod yn broblem sy'n ein hatal rhag datblygu lleoedd gofal plant ychwanegol. Nid yw rhai lleoliadau yn gweithio i'w capasiti llawn neu nid ydynt yn gallu ehangu, gan nad ydynt yn gallu recriwtio staff sydd â chymwysterau priodol er mwyn bodloni'r cymarebau sy'n ofynnol i gydymffurfio â Safonau Gofynnol Cenedlaethol AGC ar gyfer Gofal Plant. Mae'r sefyllfa wedi gwella ychydig ers y newid i reoliadau sy'n caniatáu i leoliadau gynnwys canran o'u staff sy'n gweithio tuag at gymwysterau o fewn eu cymarebau. Serch hynny, nid ydym yn gweld nifer fawr o bobl ifanc yn ymuno â'r gweithlu, felly mae angen i ni wneud mwy i hyrwyddo gyrfaoedd mewn gofal plant.

Y prif rwystr sy'n atal teuluoedd rhag cael mynediad at ofal plant yw cost gofal plant. Os nad yw teulu yn byw mewn ardal Dechrau'n Deg ac nad yw'r ddau riant yn gweithio, yr unig gefnogaeth ariannol y gallant gael mynediad iddynt yw 10 awr o addysg gynnar yr wythnos yn ystod y tymor yn unig, o'r tymor ar ôl 3^{ydd} penblwydd eu plentyn.

Gan ystyried hyn i gyd, prin yw'r newid o ran y blaenoriaethau ar gyfer y flwyddyn i ddod, ac maent fel a ganlyn:

- *Cynyddu nifer y lleoedd gofal plant sydd ar gael i blant o dan bum mlwydd oed;*
- *Datblygu darpariaeth y tu allan i'r ysgol, yn enwedig yn ardaloedd Cil-y-coed a'r Fenni;*
- *Cefnogi clybiau ar ôl ysgol sydd heb eu cofrestru presennol a'u hannog i gofrestru gydag AGC;*
- *Parhau i recriwtio a chadw gwarchodwyr plant;*
- *Datblygu darpariaeth gofal plant cyfrwng Cymraeg yn Nhrefynwy a Chas-gwent;*
- *Parhau i hyrwyddo manteision dwyieithrwydd a chefnogi darparwyr gofal plant cyfrwng Cymraeg i ehangu eu darpariaeth;*
- *Hyrwyddo gyrfaoedd mewn gofal plant i gynyddu'r gweithlu gofal plant;*
- *Parhau i hyrwyddo'r Gwasanaeth Gwybodaeth i Deuluoedd a chynlluniau ariannol i helpu gyda chost gofal plant gan gynnwys y Cynnig Gofal Plant, Addysg Gynnar, Gofal Plant Dechrau'n Deg a Gofal Plant Di-dreth.*

CYNLLUN GWEITHREDU DIWYGIEDIG

Targed	Pam ei fod yn Ofynnol?	Sut bydd yn cael ei Gyflawni?	Sut bydd yn cael ei Fonitro?	Amserlen
Datblygu 3 lleoliad gofal dydd llawn neu ofal sesiynol neu ymestyn y ddarpariaeth bresennol i gynnig mwy o leoedd i blant dan bum mlwydd oed.	Mae lleoedd i blant dan bump oed yn dynn mewn rhai ardaloedd o Sir Fynwy ac, er bod sesiynau gwag, nid yw bob amser yn bosibl cynnig lle llawn amser. Mae cyflwyno gofal plant am ddim i bob plentyn dwy oed yn debygol o waethygu'r sefyllfa hon.	Monitro cymryd lleoedd mewn gofal dydd llawn a gofal sesiynol trwy ddefnyddio Dechrau'n Deg, Addysg Gynnar a Chynnig Gofal Plant, yn ogystal â chyfathrebu rheolaidd â darparwyr. Cynnig cyngor a chefnogaeth ynghyd â chymhellion ariannol i ddatblygu darpariaeth newydd neu gynyddu lleoedd.	Bydd nifer y lleoliadau yn cael eu monitro trwy adroddiadau misol AGC a bydd y defnydd o leoedd yn cael ei fonitro bob amser. Bydd grantiau datblygu yn cael eu monitro trwy adroddiadau chwarterol y GDC.	Mawrth 2027
Datblygu clwb ar ôl ysgol yn ardaloedd Cil-y-coed a'r Fenni neu gynyddu nifer y lleoedd ar ôl ysgol a gynigir mewn lleoliadau presennol.	Yr adborth a dderbyniwyd gan rieni yw bod prinder lleoedd ar ôl ysgol mewn rhai rhannau o Gil-y-coed a'r Fenni, yn enwedig y rhai sy'n gweithredu tan o leiaf 5.30pm i ddiwallu anghenion rhieni sy'n gweithio.	Bydd y Swyddog Datblygu Gofal Plant yn gweithio'n agos gyda Chlybiau Plant Cymru i ddatblygu darpariaeth ychwanegol ar ôl ysgol. Bydd grantiau datblygu yn cael eu cynnig fel cymhelliant.	Bydd nifer y lleoliadau yn cael eu monitro trwy adroddiadau misol AGC a bydd y defnydd o leoedd yn cael ei fonitro bob amser. Bydd grantiau datblygu yn cael eu monitro trwy adroddiadau chwarterol y GDC.	Medi 2026
Annog a chefnogi clybiau y tu allan i'r ysgol ac unrhyw leoliadau gofal plant newydd sy'n cael eu datblygu i gofrestru gydag AGC.	Nid yw rhieni a gofalwyr yn gallu cael gafael ar gyllid i gefnogi gyda chost gofal plant os nad yw lleoliadau wedi'u cofrestru gydag AGC. Mewn lleoliadau sydd heb eu cofrestru, mae'n anodd sicrhau	Y Swyddog Datblygu Gofal Plant i gefnogi clybiau presennol a lleoliadau newydd i'w mynd drwy broses gofrestru'r AGC. Hyfforddiant i'w ariannu os mai dyma'r rhwystr sy'n atal lleoliadau rhag cofrestru.	Nifer y lleoliadau cofrestredig i'w monitro drwy adroddiadau misol AGC. Niferoedd yn derbyn hyfforddiant i'w fonitro trwy adroddiadau cynnydd chwarterol y GDC.	Mawrth 2027

	bod gofal plant o safon ddigonol.		Cymwysterau staff i gael eu monitro bob blwyddyn.	
Cofrestru 10 gwarchodwr plant newydd ledled Sir Fynwy a chefnogi darparwyr presennol i gynnal y lefel bresennol o leiaf.	Mae trosiant uchel o warchodwyr plant bob amser oherwydd natur dros dro y swydd, ond roedd hyn hyd yn oed yn fwy o broblem yn ystod y pandemig ac mae cyfanswm nifer y gwarchodwyr plant wedi gostwng yn sylweddol yn ystod y pum mlynedd diwethaf. Gwarchodwyr plant sydd yn y sefyllfa orau i ddarparu gofal plant yn ystod oriau annodweddiadol.	Gweithio mewn partneriaeth â PACEY Cymru i ddarparu sesiynau briffio gwarchodwyr plant a chefnogaeth barhaus drwy'r broses gofrestru ac ar ymgyrch i recriwtio mwy o warchodwyr plant. Parhau i gynnig cymorth ariannol ar gyfer hyfforddiant cyn-gofrestru a grantiau cychwyn.	Bydd nifer y gwarchodwyr plant sydd newydd gofrestru a gwarchodwyr plant sydd wedi'u dadgofrestru yn cael eu monitro trwy adroddiadau misol AGC. Monitro hyfforddiant cyn cofrestru trwy logiau cymorth PACEY misol a'r nifer uchaf erioed o grantiau cychwynnol gwarchodwyr plant a ddyfernir bob tymor.	Mawrth 2027
Sefydlu cylch meithrin yn Nhrefynwy a Chas-gwent fel bod darpariaeth gofal plant cyfrwng Cymraeg ym mhob un o'r pedwar clwstwr.	Ar hyn o bryd nid oes darpariaeth cyn ysgol cyfrwng Cymraeg yng nghlystyrau Trefynwy neu Gas-gwent. Mae diffyg darpariaeth cyfrwng Cymraeg a phellter o'r ddarpariaeth bresennol wedi cael ei godi gan rieni fel rheswm dros beidio â chael mynediad at ofal plant cyfrwng Cymraeg.	Bydd Blynnyddoedd Cynnar Sir Fynwy yn gweithio'n agos gyda Mudiad Meithrin i ddatblygu darpariaeth cyn ysgol cyfrwng Cymraeg ychwanegol. Cynnig cymhellion ariannol fel grantiau datblygu a chynaliadwyedd i dalu costau cychwyn a chyfran o'r costau rhedeg.	Mae nifer y lleoedd gofal plant cyfrwng Cymraeg wedi'i gynnwys yng Nghynllun Strategol Addysg Cymru (CSCA) ac mae hyn yn cael ei adolygu bob tymor.	Medi 2026
Ymestyn nifer y lleoedd, oriau agor neu wasanaethau a gynigir gan ein lleoliadau gofal plant cyfrwng Cymraeg presennol.	Nid oes digon o ddarpariaeth gofal plant cyfrwng Cymraeg, yn enwedig gofal dydd llawn a gofal plant yn ystod gwyliau'r	Bydd Blynnyddoedd Cynnar Sir Fynwy yn gweithio'n agos gyda'r Mudiad Meithrin a'r darparwyr presennol i ymestyn	Mae nifer y lleoedd gofal plant cyfrwng Cymraeg wedi'i gynnwys yng Nghynllun Strategol Addysg Cymru	Mawrth 2027

	ysgol, i ddiwallu anghenion rhieni sy'n gweithio.	y ddarpariaeth gofal plant cyfrwng Cymraeg. Bydd grantiau datblygu yn cael eu cynnig fel cymhelliant i gefnogi lleoliadau i ymestyn eu darpariaeth.	(CSCA), ac mae hyn yn cael ei adolygu bob tymor.	
Mynychu o leiaf 6 digwyddiad i hyrwyddo cyfleoedd hyfforddi gofal plant a gyrfaedd mewn gofal plant.	Mae diffyg ymarferwyr gofal plant cymwys ac mae hyn yn cyfyngu ar ddatblygiad lleoedd gofal plant ychwanegol, yn ogystal â bygwth hyfywedd y ddarpariaeth gofal plant presennol. Mae angen i ni wneud yr hyn y gallwn i annog mwy o bobl i dderbyn hyfforddiant er mwyn cynyddu'r gweithlu gofal plant.	Cynhyrchu a rhoi cyhoeddusrwydd i Lyfryn Gyrfaedd mewn Gofal Plant a rhannu hyn yn eang trwy'r wefan, y cyfryngau cymdeithasol a chyfarfodydd wyneb yn wyneb. Mynychu Ffeiriau Gyrfaedd a digwyddiadau tebyg i hyrwyddo gyrfaedd mewn gofal plant. Gweithio gyda'r pedair ysgol uwchradd i sefydlu'r cymhwyster Gofal Plant Lefel 2 fel rhan o'u cwricwlwm ôl-16.	Bydd nifer y digwyddiadau a fynychwyd, postiadau cyfryngau cymdeithasol ac unrhyw fathau eraill o hyrwyddo yn cael eu cofnodi. Bydd ymholiadau ynghylch hyfforddiant gofal plant neu gyfleoedd gwaith gofal plant yn cael eu cofnodi. Bydd nifer y myfyrwyr sy'n cofrestru ar y cwrs Gofal Plant Lefel 2 yn cael ei gofnodi.	Parhaus
Parhau i hyrwyddo'r Gwasanaeth Gwybodaeth i Deuluoedd a hysbysebu argaeledd cymorth ariannol i gynorthwyo gyda chost gofal plant (gan gynnwys Dechrau'n Deg, Cynnig Gofal Plant, Addysg Gynnar a Gofal Plant Di-dreth).	Yn ôl yr arolwg rhieni a'r ymgynghoriad â rhanddeiliaid, fforddiadwyedd yw'r prif rwystr i gael mynediad at ofal plant yn Sir Fynwy. Mae yna lawer o gynlluniau ar gael i gefnogi gyda chost gofal plant.	Bydd y Gwasanaeth Gwybodaeth i Deuluoedd yn parhau i hyrwyddo gofal plant newydd a phresennol ac argaeledd cymorth ariannol ar gyfer gofal plant trwy ein hadran ar wefan Cyngor Sir Fynwy ac ar draws ein sianeli cyfryngau cymdeithasol.	Mae'r Swyddog Gwybodaeth i Deuluoedd yn cynhyrchu adroddiadau misol sy'n cynnwys manylion gweithgareddau hyrwyddo. Mae defnyddwyr gwefan GGiD yn cwblhau ffurflenni gwerthuso. Mae Dechrau'n Deg, Addysg Gynnar a Chynnig Gofal Plant yn cael eu monitro bob tymor.	Parhaus

		Bydd Llyfryn Cymorth Ariannol Gofal Plant yn cael ei rannu'n eang.		
--	--	--	--	--

MANYLION CYSWLLT

Sue Hall
Rheolwr y Blynyddoedd Cynnar
Cyngor Sir Fynwy
Cyfeiriad: Neuadd y Sir, Y Rhadyr, Brynbuga, Sir Fynwy, NP15 1GA
Rhif Ffôn: 01633 644461
E-bost: susanhall@monmouthshire.gov.uk neu childcare@monmouthshire.gov.uk